




Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№116
(20589)



3 тамыз, бейсенбі 2023 жыл

e-mail: syrboiy@yandex.kz

www.syrboiy.kz

www.facebook.com/syrboiy.kz/

www.instagram.com/syrboiy_kz

https://twitter.com/syrboiy

t.me/syrboiy_kz

ҮКІМЕТ ОТЫРЫСЫ



БҰҚАРАЛЫҚ СПОРТҚА БАЙЫПТЫ КӨЗҚАРАС ҚАЖЕТ

ҚР Премьер-министрі Әлихан Смайыловтың төрағалығымен өткен Үкімет отырысында машина жасау саласын және бұқаралық спортты дамыту, сонымен қатар салауатты өмір салтын қалыптастыру мәселелері қаралды.

Министрлер аталған салалар бойынша баяндады. Сондай-ақ, бірқатар өңір әкімдері атқарылған жұмыстар туралы хабарлама жасады.

Үкімет отырысынан кейін облыс әкімі Нұрлыбек Нәлібаев Премьер-министр берген тапсырмаларды пысықтау мақсатында жиын өткізді. Биылғы I жартыжылдықтың қорытындысы бойынша Қызылорда облысының машина жасау саласы кәсіпорындары 12,1 млрд теңгеге қызмет көрсеткен.

2-бет

ҮКІМЕТ БАСШЫЛАРЫ АЛМАТЫДА КЕЗДЕСТІ

Алматыда Қазақстан Премьер-министрі Әлихан Смайылов пен Грузия Премьер-министрі Ираклий Гарибашвили сауда, көлік және логистика салаларындағы ынтымақтастықтың негізгі мәселелерін талқылады.

Осы жылдың 6 айында өзара сауда көлемі шамамен 30%-ға өсіп, \$190 млн құраған.

Премьер-Министр екіжақты қарым-қатынаста транзиттік-көлік секторындағы ынтымақтастыққа басымдық берілетінін атап өтті. Мәселен, бүгінде екі ел арасында Транскаспий халықаралық көлік бағытын дамыту аясындағы әріптестік қарқынды нығайтып келеді. Өткен жылдың 6 айының қорытындысына сәйкес, Орта дәліз бойынша жүктерді тасымалдау көлемі 77%-ға өсіп, 1,3 млн тонна болған.

«Біз аймақтың көлік байланысын арттыруға және транзиттің жағдайын жүйелі түрде жақсартуға мүдделіміз. Жалпы алғанда, Қазақстан Үкіметі Қазақстан-Грузия әріптестігінің барлық сала бойынша серпінді дамуын қамтамасыз ету үшін көп жоспарлы жұмысты жалғастыруға ниетті екенін ерекше атап өткім келеді», – деді Премьер-министр.

Өз тарапынан Ираклий Гарибашвили Қазақстанмен тиімді өзара іс-қимылды нығайтуға дайын екенін растады.

САПАР



Суреттерді түсірген Н.Нұржаубай

ӘЛЕУМЕТТІК БАСПАНА НӘМ КИЕЛІ ОРЫНДАР

Облыс әкімі Нұрлыбек Нәлібаев Қармақшы ауданына жұмыс сапары кезінде халықтың әлеуметтік осал топтарына сатып алынатын 50 тұрғын үйдің дайындығымен танысты. Елімізде «Қуатты өңірлер – ел дамуының драйвері» ұлттық жобасы шеңберінде «Тұрғын үй саласындағы іс-шараларды іске асыру» бағдарламасы жүзеге асырылуда. Бағдарлама аясында биыл халықтың әлеуметтік осал топтарына коммуналдық тұрғын үй қорынан 50 тұрғын үй сатып алуға Ұлттық қордан Қармақшы ауданына 480 млн теңге қаржы бөлінген. Осы қаржыға аудан орталығынан 50 тұрғын үй сатып алу жоспарланған.

Бүгінгі күні 12 үй пайдалануға беруге дайын. Өрбір пәтердің орташа аумағы – 60 шаршы метр.


Аймақ басшысы қалған үйлерді де уақытылы пайдалануға беріп, дайындық жұмыстарының сапасын жіті қадағалауды тапсырды.

Облыс әкімі Қармақшы ауданына жұмыс сапарында киелі орындардың жағдайымен танысты. Оларды жөндеу, жаңғырту және абаттандыру жұмыстарын көрді.

2-бет



АПЫР-АЙ, Ә!



Біз бұл тақырыпқа санаулы күн бұрын ғана тоқталып, «Көрі құрлықты көзгендер немесе қазақ жастары қайда жүр?» деген мақала жариялаған едік. Осы жолы жырақта жүрген қазақ азаматтарының жағдайына, тіршілік тынысына тағы бір тереңдей зер салып көрдік. Әлеуметтік желіні ашсаңыз жан-жақтан жұмыс іздегендерді кездестіруге болады. Екі қолға бір күрек таппағандар шетелге барып, нәпақа табуда. Кейінгі кезде Англия, Корея, АҚШ-қа қара жұмыс істеуге баратындар көбейді. Тіпті желіде ашықтан-ашық жарнамалар жасап, расымен айына миллиондап қаржы табуға болатынын айтады. Мәселен, өткенде бір қазақ жігіті Англияда егісті қарағандан қорығаны үшін сағатына 6 мың, күніне 72 мың теңге ақша табатыны туралы бейнежазба жариялады. Сол секілді Америкада жүк көлігін жүргізіп, айына 5 миллион табатын Ассоль Мухамеджанова туралы баспасөз беттері жарыса жазды. Расымен, нәліктен шетелде жұмыс істегісі келетіндер көп? Олар неге құмартып отыр? Айына миллион теңге табыс табу оңай болғаны ма? Осы сұрақтар бізді қызықтырды.

Айсәуле ҚАРАПАЕВА, «Сыр бойы»

ШЕТЕЛДЕ ЖҮР ЖАЛДАНЫП, ТАЛАЙ ҚАЗАҚ БАЛАСЫ

КОРЕЯ АШЫҚ ҚАҚПА ЕМЕС

Шетелде жұмыс істеп жатқандардың парақшасына кіріп, біраз мәліметпен таныстық. Мәселен, Ақтау қаласының тумасы Перизат Тайманова жолдасымен бірге Корея Республикасында жұмыс істегеніне бір жыл болыпты. Екі баласын ата-анасына тапсырып, тәуекел етіп өзге мемлекетке жалдамалы жұмысшы болуға барған. Айтуынша, бұл елге келу үшін алдымен келгендегі тексерістен өту керек. Ол үшін, әрине, ағылшын тілін жетік білмегенің де, ауызекі тілде сөйлей алғаныңыз дұрыс. Ең алдымен шетелге шығатын паспортты рәсімдеп, кета толтыру міндеттеледі. Кета – Корея еліне кіруге берілетін рұқсат қағаз. Оны алу үшін біршама еңбектенуіңіз тура келеді. Себебі, бір әріп немесе санды қате толтыру сіздің бұл елге кіру мүмкіндігіңізден айырады. Бұл рұқсат қағазды сауатты толтыру үшін, әрине, тіл білу керек немесе ақылы жазып беретіндердің көмегіне жүгінесіз.

Одан кейін келгендегі тексерістен өту де үлкен маңызға ие. Ол жерде сізге ағылшын тілінде бір-екі сұрақ беріп, бұл елге қай мақсатпен келе жатқаныңызды, жалпы Корея мемлекеті туралы біліміңізді де сарапқа салады. Бір ескеретін жайт, келгендегі тексеріс кезінде жұмыс істеуге келгеніңіз туралы тіс жаруға болмайды. Сондықтан біршама қулыққа баруға тура келеді. Айталық, турист ретінде тоқталатыныңызды және алдын ала бронь жасап қойғаныңызды дәлелдеп шығасыз. Тексеріс кезінде сол қонақүйге қонырау шалып сурайтының да есте ұстаған абзал. Өзге елге кірудің қаншалықты қиын екенін біле тұра, тәуекелге баратындар күн сайын артуда.

2-бет

ЖЕДЕЛ ЖАҢАЛЫҚТАР

«АУЫЛ АМАНАТЫ» – ҮЛКЕН МҮМКІНДІК

Облыста ауылдағы шағын және орта бизнесті дамыту бағытында «Ауыл аманаты» жобасы бастау алды. 2,5 пайызбен жеңілдетілген несие беруді көздейтін жобаның аймақта жүзеге асырылуына биыл 3 млрд теңге қаржы бөлінген.

Облыстық ауыл шаруашылығы басқармасының мәліметінше, 20 шілдеден жобаға құжат қабылдау басталған. Жобаны ауқымдау шеңберінде берілетін микрокредиттер сенім білдірілген өкіл – «Байқоңыр» ӘКК» АҚ арқылы ұсынылады. Бағдарлама 5 бағыт бойынша қаржыландырылады. Оның ішінде өңдеу, егін, кооперацияны дамыту, мал және басқа да бағыттағы бизнес жобалар. Микрокредиттер 5 жылға дейінгі мерзімге, ал мал шаруашылығы саласындағы жобалар үшін 7 жылға дейін беріледі. Сыйақы мөлшерлемесі 2,5 пайыздан аспайды.

Бағдарламаға қатысу үшін қажетті құжаттар тізбесін және кеңес алу үшін жергілікті әкімдікке жүгінуге болады.

СОЛ ЖАҒАЛАУҒА СӘН БЕРЕДІ

Қызылорда қаласы Сырдария өзенінің сол жағалауындағы айналма жолдың ортасына кіші сәулеттік архитектуралық форма құрылысын орналастыру үшін конкурс жарияланады.

Конкурсқа қызылордалық жобалаушылар қатыса алады. Іріктеу барысында жобаның көркемдік, эстетикалық, идеялық деңгейіне мән берілетін. Қала әкімдігі жариялаған ережеге сәйкес, эскиздік жоба қала бейнесі, оның дәстүрлері мен ерекшелігін қалыптастыруда пішіні тақырыпқа, заманауи үлгіге сай болуы керек.

Айта кетсек, конкурс жаңа сәулеттік нысан арқылы көлік қозғалысының жайлылығын қамтамасыз ете отырып, қаланың сәулеттік келбетін арттыруды көздейді. Жобалар 10 тамызға дейін қабылданады. Үздік шыққан кіші сәулеттік нысандар Қызылорда қалалық сәулет және қала құрылысы бөлімінің әлеуметтік желілеріне жарияланады.

ДОСТЫҚТА ЖОҚ ШЕКАРА

Корея бұғазындағы әскери-теңіз шайқасындағы жеңісті еске алу қорының төрағасы Чон Дон Хён бастаған делегация Сыр еліне келіп, «Достық үйінде» кездесу өтті.

Жиында «Қоғамдық келісім» КММ, «Қазақстан корейлік қауымдастығы» облыстық қоғамдық бірлестігі және Қорық ата атындағы Қызылорда университетімен ынтымақтастық мәселелері талқыланып, ғылым, білім, мәдениет және тарих саласындағы ұшжақты меморандумға қол қойылды.

Айта кетейік, делегация құрамында Оңтүстік Кореядан келген 40-қа жуық студент пен оқытушылар өңірлік корей халқы батырлары Ге Бон У, Ом Джу-Пиль, Чхве Бон Соль ұрпақтары, корей этномәдени бірлестігінің өкілдері және жастармен кездесіп, Корея және Қызылорда арасындағы үлкен дәрежедегі достықты, жан-жақты байланысты сөз етті.

«СБ» ақпарат

АУА РАЙЫ

+36°
БЕЙСЕНБІ

+38°
ЖҰМА

